

國

策

地

名

考

國策地名考卷二

歙 程恩澤 纂

儀徵阮芸臺先生鑒定 溧陽 狄子奇 箋

武進 李兆洛 閱

秦上

原注蘇張說外並見後自宏農故關以西京兆扶風馮翊

北地上郡西河安定天水隴西皆秦地南有巴蜀廣漢
犍爲武都西有金城武威張掖酒泉敦煌又西南有牂
柯越雋益州皆屬焉張氏琦曰漢志武都武威張掖酒
泉敦煌犍爲越雋益州牂柯皆武帝開置志以天官地

分爲言故並列次鮑氏不詳取以說七國之秦謬矣七

國初秦地自今河南內鄉浙川盧氏以西商州西安西

至秦隴北有平涼涇陽及同州府西境後東侵韓魏趙

楚北滅義渠南并巴蜀始皇初立已有今山西太原澤

潞河南之懷慶衛輝開封南陽湖北之襄鄖荊州以至

全蜀北有慶陽榆林恩澤案秦嬴姓伯翳之後十九世

本列國興廢說非子養馬汧渭周孝王封爲附庸邑之

秦遂以爲號在今甘肅秦州清水縣西儲大文曰秦州東三十里亭樂

山乃非子封秦亭地江永云今鳳翔府隴州南三里亦

有秦城一統志以爲非子所居豈非子始食邑於此後

復封之清水墩按隴州本秦汧邑南有故汧城亦曰秦

城乃襄公所居非非子所封也帝王世紀秦襄公二十

徙都汧

卽此城莊公居犬邱在今秦州西南百二十里故西縣

城

此西犬邱也本非子故居帝王世紀以襄公徙居汧爲卽周懿王所都槐里徐廣說同非是

襄公徙居汧

在今陝西鳳翔府隴州南三里

元和郡縣志作秦城在隴州東南二十五里

文公卜居汧渭間在今鳳翔府郿縣東北十五里

正義

志郿縣故城在岐州郿縣毛萇云秦文公東獵汧渭之會卜居之乃營邑焉卽此城也

寧公

一作武公

又作出公徙平陽在今郿縣西四十六里

正義帝王世紀秦寧公都平陽括地

志平陽故城在岐州岐山縣西四十六里秦寧公徙都之處

德公徙居雍大鄭宮卽

今鳳翔府治

括地志岐州雍縣南七里故雍城秦德公大鄭宮城也

獻公居櫟陽

在今西安府臨潼縣北五十里

括地志櫟陽故城一名萬年城在雍州東北百

二十里孝公作爲咸陽徙都之在今西安府咸陽縣東三

十里非子至孝公三十二世又六世至始皇遂并天下
荀子彊國篇秦南有沙羨乃江南也北與胡貉爲隣
西有巴戎東在楚者乃界於齊在韓者踰常山乃有臨
慮在魏者乃據圉津卽去大梁百有三十里耳其在趙
者剡然有苓而據松柏之塞負西海而固常山是地徧
天下也張氏琦曰按秦紀孝公時楚自漢中南有巴黔
中惠文後九年司馬錯滅蜀後十三年庶長章擊楚于
丹陽又攻楚漢中取地六百里又惠文六年魏納陰晉
九年圍焦十三年張儀取陝後十一年樗里疾攻魏焦
拔之陰晉東至陝正轍函之道自惠王六年至後十一

年始克有之蘇秦說時在惠王元年巴蜀漢中殺函皆未入秦不獨胡代爲趙巫山黔中爲楚也賈生亦曰孝公據殽函之固蓋就策文言之耳

咸陽

本策三國攻秦章咸陽必危高注咸陽秦都也今長安都渭橋西北咸陽城是也鮑注咸陽秦都扶風渭城也補曰山南曰陽水北亦曰陽地在渭水之北九畷諸山之南故曰咸陽

思澤

案地理志右扶風渭城故咸陽括

地志咸陽故城亦名渭城在雍州北五里今咸陽縣東

十五里

通典作東北元和志作東二十二里

京城北四十五里卽秦孝公

徙都之者今咸陽縣古之杜郵白起死處太平御覽咸

陽縣本周王季所都

按王季宅程程爲安陵在今咸陽縣東

秦又都之顧

祖禹曰在今西安府咸陽縣東三十里

錢坫曰在縣東北二十里江永

曰在府北五十里
卽今咸陽縣似誤

山

楚策張儀爲秦破從連橫說楚王曰章被山帶河四塞

以爲固劉伯莊曰山謂華山

恩澤

案山海經太華之山

削成而四方其高五千仞其廣十里周禮豫州鎮曰華

山爾雅河南華又云華山爲西岳淮南子天下九山太

華其一地理志京兆尹華陰太華山在南郡國志宏農

郡華陰故屬京兆有太華山注晉地道記山在關西
白虎通西方華少陰用事萬物生華故曰華山述征記
華山從麓至頂升降紆迴凡三十三里其方七里有靈
泉二所水經注華山遠望之若華狀寰宇記華岳有三
峯芙蓉明星玉女直上數千仞基高而峰峻疊秀迄於嶺表一
名惇物按漢志惇物是番山非華山疑四形近而誤九域志華山四州之際
東北冀東南豫西南梁西北雍十字分之四隅爲四州
在今陝西同州府華陰縣南十里然秦山甚多不止一
華高誘解四塞云四面有關山之固則不專指華明矣

散

韓策楚圍雍氏章秦師不下穀鮑注穀二穀補曰左傳

穀有二陵杜注在龜池縣西

思澤

案春秋晉敗秦師于

穀公羊作穀之嶽巖穀梁作穀之巖

盧文弨曰說文作欽崙高誘地

形訓注作欽吟阮元曰說文有岑崙無欽崙其義亦異

杜預曰此道在二穀之間

南谷中谷深委曲兩山相欽故可以避風雨古道由此

魏武帝西討巴漢惡其險而更開北山高道春秋正義

穀是山名俗呼為土穀石穀其阨道在兩穀之間水經

注穀水又東逕土穀北所謂三穀也

或曰盤穀石穀千穀是為三穀

徑委深峯阜交蔭括地志三峭山一名嶽崙山在洛州

永寧縣西北二十里

郡縣志作二十八里寰宇記作曹在陝州硤石縣東北四十六里

公開北道後魏晉以來莫之或改北周復從南道隋大

業初建東京廢二嶠道

即南道

開變冊道即北道也大約

出潼關歷陝州入永寧界分二道東南入福昌

今宜陽縣

界即南道東北入澠池縣界即北道也郡縣志自東嶠

至西嶠三十五里東嶠長坂數道峻阜絕澗車不得方

軌西嶠全是石坂十二里險絕不異東嶠在今河南永

寧縣北六十里西北接陝州界東接澠池縣界

殽塞

本策甘茂亡秦章自殽塞谿谷地形險易盡知之

思澤

案殽塞即殽山也呂氏春秋天下九塞殽其一也淮南

子亦云

鼃池

齊策張儀爲秦連橫說齊王曰章趙入朝鼃池原注屬

宏農補曰今河南府鼃池縣水經注穀水出嶠東馬頭

山穀陽谷東北流歷鼃池川

或謂之彭池

漢景帝因其地以

爲縣

恩澤

案鼃池本山名

玩策文入字當時似有關隘

漢蓋以山名

縣郡國志宏農鼃池縣有二嶠

杜佑曰有東西俱利二城卽秦趙相會處顧

祖禹曰地志嶠底一名鼃池又名嶠坂在今永寧縣西

北七十里嶠谷之底也本屬韓

史記秦以商君後之於鄭鼃池是也

後爲

秦地洪亮吉曰山海經白石之山澗水出其陰世謂之

山爲陽山亦名肥池山在今澠池縣東北二十里
南地形訓以澠阨卽冥塞注云今宏農澠池是也方輿
紀要從之非是

槐谷

史記作
鬼谷

同上嶠塞章彼來則置之槐谷原注扶風有槐補曰姚
云槐里之谷今京兆始平之地作鬼谷大非

恩澤

案槐

谷一名鬼谷非扶風之槐里亦非陽城之鬼谷也地理
志扶風槐里周曰犬邱秦更名廢邱此舊注所本然其
地並無谷名正義曰此鬼谷在關內雲陽

說本劉
伯莊

非陽

城者也古雲陽城在今西安府涇陽縣爲漢池陽縣地

郡國志注引地道記曰池陽北有鬼谷是也

晉太康地記同惟以

為卽鬼谷先生所居則非

顧祖禹曰今西安府三原縣

亦漢池陽縣地西二

十里有清谷

長安志作清水谷

一作鬼谷

隋書地理志以鬼谷在今韓城縣疑別一

地

卽槐谷也若鬼谷先生所居則在今河南登封縣

卽古

陽城縣後漢馮衍傳注鬼谷先生所居在洛陽城北說又小異

東南寰宇記以為卽此

槐谷誤矣

虞喜志林謂在隴關亦誤

谷口

本策范雎至章北有甘泉谷口南帶涇渭右隴蜀左關

坂原注谷口在雲陽屬馮翊

恩澤

案地理志左馮翊谷

口縣

文帝後元三年置

九畹山在西

蓋亦以山名縣

封禪書

亦見郊寒

門者谷口也溝洫志田于何所池陽谷口卽此顏師古

曰谷口在九變山東

正義云九變山之西非是

仲山西當涇水出山

之處故曰谷口山北寒涼故曰寒門正義曰在醴泉縣

東

通典無東字

北四十里

後漢書注資字記並同

西北去甘泉山八十

里今同顧祖禹曰谷口又名冶谷

寰宇記以谷口與冶谷爲二谷口名塞門

在醴泉治谷名寒門在雲陽按徐廣曰寒一作塞宋雲陽卽漢池陽溝洫志稱池陽谷口則冶谷卽谷口也封

禪書索隱通鑑地理通釋引師古說亦云

在今涇陽西北百二十里

涇陽之西北卽

醴泉之東北

甘泉

見上

恩澤

案封禪書公孫卿曰明廷者甘泉也括地志

甘泉山一名鼓原俗名磨石嶺在雍州雲陽縣

此漢雲陽縣今

爲邠州淳化縣

西北九十里

郡縣志同

顧祖禹曰甘泉山周迴六十

里一名磨盤嶺又名車盤嶺甘泉出焉舊志云山在雲

陽縣西北八十里登者自車箱坂而上

坂在雲陽縣西北三十里

紫

紆曲折單軌才通上坂卽平原宏敞樓觀相屬

地理通釋漢甘

泉宮在山上關中記宮北有連山或曰甘泉本秦之南宮所謂林光宮也

在今涇陽縣西北

百二十里又在邠州淳化縣西北五十里

亦地相接

隴

見上原注隴西有隴坻卽隴坂

恩澤

案郡國志隴州有

大坂名隴坻注云三秦記其坂九迴不知高幾許欲上

者七日乃越郭仲產秦州記隴山東西百八十里登嶺

東望秦州四五百里

此秦州蓋統指長安言故云東通望四五百里非今甘肅秦州也

興隴山在隴州汧源縣西六十二里地理通釋秦州隴

城縣有大隴亦曰隴首山清水縣小隴山一名隴坻又

名分水嶺漢隴關今名大震關所以限東西

東爲漢三輔西爲漢

天水隴西諸郡

顧祖禹曰隴坻在鳳翔府隴州西北六十里秦

州清水縣

今屬甘肅

東五十里山高而長北連沙漠南帶汧

渭關中四塞此爲西面之險

蜀

見上

思澤

案廣雅蜀山謂之嶧山蜀讀爲獨或作讀封

禪書自華以西名山曰竇山竇山者汶山也水經注嶧

山即竇山水曰竇水元和志曰即隴山之南首也故稱

隴蜀蜀地蓋因
此得名

汶山

同上山章起于汶山循江而下原注屬蜀郡湔氏道即

岷山故唐志茂州汶山注有岷山恩澤案胡渭曰古今

言岷山者凡四處一在今四川松潘衛今改縣王念孫

十地理志岷山在湔氏道西徼外江水所出說文蜀志

秦宓曰蜀有汶阜之山江出其腹華陽國志岷山一名

沃焦山其跡曰羊膊皆是也一在茂州顧祖禹曰西元
北五百里

和志汶山縣有汶山卽岷山去青城山百里輿地廣記

岷山在汶山縣西北俗謂之鐵豹嶺是也一在灌縣志

北三杜光庭成都記岷山連峯接岫千里不絕灌縣青

城山乃其第一峯是也一在今陝西岷州衛今改州屬

府李吉甫括地志岷山在岷州溢洛錢大昕曰甘肅鞏昌縣南連

綿至蜀幾二千里皆名岷山是也大抵岷山北起於溢

樂而南迄於青城或專指松潘亦非篤論然大江所出

則必直氏道西徼外者也洪亮吉曰今灌縣西北有天

彭關常璩云卽汶山本出附會明一統志又以彭縣之

彭門山爲天彭關按水經注氏道縣有天彭山兩山相對其形如關謂之天彭門亦曰天彭

國策地名考

卷二

九

關江水自此已上至微所謂發源濫觴者也氏道卽
滿氏道此又在灌縣西北六百餘里則天彭關有三

汶山更有五矣以今考之大江所導自在八溪潘而策文

所云蜀地之甲浮汶而下正當在成都一帶耳

蔣廷錫曰岷山

跨雍梁二州茂州之雪嶺
灌縣之青城皆其支阜也

汶

燕策秦召燕王章蜀地之甲輕舟浮於汶乘夏水下江
五日而至郢原注汶江水出岷山補曰汶卽岷案見上

巫山

本策蘓秦始將連橫說秦惠王曰章西有巴蜀漢中之
利北有胡貉代馬之用南有巫山黔中之限東有峭函

之固原注巫山在南郡巫補曰正義云夔州巫山縣

澤

案漢志南郡巫縣應劭曰巫山在西南郭仲產曰今

山在縣東

錢坫曰今山在縣北

郭璞曰今在建平巫縣江行記自

巫峽東至西陵峽皆連山無斷處非亭午夜分不見日月風無南北惟有上下水經注謂杜宇所鑿以通江者顧祖禹曰巫山爲三峽之一長一百六十里所謂巴東三峽巫峽長也在今四川夔州府巫山縣東三十里

河

見上山下

恩澤

案水經注河出積石山

在今西寧州

東南流

逕北屈故城風山西有孟門山卽龍門之上口實爲黃

河巨阨又南出龍門口南逕梁山原東又逕郃陽城東
又南歷船司空渭水入焉又南流至潼關自潼關東北
流又東逕閿鄉又東逕湖縣故城北又東逕陝縣北又
東過砥柱間以今地考之歷經陝西之府谷神木葭州
吳堡綏德清澗延川延長宜川韓城郃陽朝邑華陰出
潼關廳又經河南之閿鄉靈寶陝州諸州縣皆秦地也
涇

見上谷口下原注涇水出安定涇陽

恩澤

案地理志涇

水源出安定涇陽縣

今甘肅平涼縣西四十里

西開頭山

今固原州東南七十里

里

東南至陽陵

今陝西高陵縣西南三十里

入渭

說文

錢坫曰涇水

出固原州西南山

似應作東南錢以六盤山爲開頭山故云在西蓋本元和志謨東南

流逕平涼府城北崇信縣北涇州北

胡渭作南非是長武縣北

邠州北三水縣南

句應刪在三水南者乃西溪河溫涼河之入涇者非涇河也

淳化

縣西南

胡渭無南字

涇陽縣南三原縣南

句亦可刪

至高陵縣南

入渭以今地圖按之俱在咸陽西北而策云南帶涇渭

殊不可解左傳襄十四年云濟涇而次至於棧林疏引

世本云棧林卽京兆鄭縣爲今華州是涇水下流古時

當在華州東南與今不同故策爲此說禹貢涇屬渭汭

豈涇渭同流凡渭水入河之處或亦可稱涇水歟

長安志涇

陽高陵櫟陽雲陽三原富平醴泉七縣皆涇水所溉地按圖涇水遠在櫟陽東與石川河合卽古沮水則其與

渭合流通
稱可知矣

渭

見上谷口下原注渭水出隴西首陽

思澤

案地理志渭

水源出隴西首陽縣

今甘肅蘭州府渭源縣東北

西南鳥鼠同穴山

今渭源縣西七十六里舊志作二十里

東至船司空

今陝西華陰縣東北五十里

入河

說文渭水出隴西首陽渭首亭南谷東入河

錢坫曰渭水出渭源縣西東南

流逕鞏昌府城北折南又東逕寧遠縣北伏羌縣北秦

州北秦安縣南

胡渭作先逕秦安後至秦州非是

清水縣南

胡渭作西隴州

南寶雞縣北

胡渭作南大

郿縣北盤屋縣北興平縣南

咸陽縣南

雖錄渭水東逕漢渭城之南即秦咸陽也

西安府城北臨潼縣北

江

渭南縣北華州北華陰縣北入河以今地圖按之渭之上流在咸陽西少北其合涇入河處正在咸陽東南也

見上汶山下

恩澤

案禹貢岷山導江東別爲沱水經注

江水自天彭關東逕汶關歷氏道縣北僅可濫觴南下

至北部始百餘步又西南至濕坂稍大又東逕成都縣

東南流逕魚復縣故城

今四川夔州府楚江關在此

又東出江關入

南郡界

今湖北省

又東逕宜昌縣之流頭灘

今湖北宜昌府楚并關在此

以今地考之蓋自松潘廳徼外流入經茂州保縣灌縣

沱水出此

溫江新津眉州樂山犍爲南溪江安納溪瀘州與

沱水合又東逕合江江津巴縣長壽涪州鄧都忠州萬縣雲陽奉節巫山諸州縣入湖北界皆蜀地也 策云

自汶山至郢三千

三千當作五千

餘里日行三百餘里不至十

日而距扞關燕策又云蜀地之甲輕舟浮于汶乘夏水下江五日而至郢郢在扞關之東至轉疾者彼以夏日言此以平日言也袁山松曰自蜀至宜昌五千餘里下水五日上水百日正與此合

漢

同上汶章漢中之甲輕舟浮于巴乘夏水下漢四日而至五渚

恩澤

案漢分東西二源通典秦州上邽縣嶓冢

山西漢水所出經嘉陵曰嘉陵江經閬中曰閬江漢中
金牛縣嶓冢山禹導漾水東流爲漢水亦曰沔水王士
正曰雍大記云西漢水在西和縣源出嶓冢山西流與
馬池水合此乃上邽之嶓冢在今秦州又云漢江源出
沔縣嶓冢山東流入全州此乃金牛之嶓冢在今寧羗
州禹貢嶓冢導漾是也漾與沔本爲一流與隴西之嶓
冢無涉此東西之分也華陽國志謂沔出嶓冢合白水爲西漢混甚策云由
巴下漢當指西漢言儲大文曰西漢水今名鹽官水胡渭曰卽禹貢梁州之潛也說見鄭
注蓋西漢水自西和縣流逕禮縣階州成縣入嘉陵道
曰嘉陵江又南逕畧陽廣元合墊江漢志所云南入廣

漢白水也又南逕蒼溪縣逕保寧府城西又東逕南部
蓬州過順慶府東南又南逕定遠合州東至重慶府城
北入于江其下流所經皆故巴地而巴江出大巴山麓
在今南鄭縣南故卽由漢中浮巴至合州乃入西漢水
直達洞庭也五渚在洞庭其必由巴入西漢者巴近而西漢
遠兵貴速且貴奇也若是東漢則由沔縣逕褒城南鄭
城固洋縣西鄉石泉紫陽洵陽平利白河入湖北界卽
可直抵楚之鄖陽襄陽諸府不必繞道巴江矣

函谷

西周策薛公以齊爲韓魏攻楚章君臨函谷高注函關

在宏農城北門外今在新安縣補曰正義云陝州桃林縣西南有洪溜澗古函谷也今屬靈寶縣

恩澤

案漢志

宏農縣有故秦函谷關故桃林也文穎曰秦關在宏農橫嶺西征記關城路在谷中深險如函故以爲名其中旁通東西十五里絕岸壁立崖上陌林蔭谷中殆不見日師古曰今桃林縣有洪溜澗卽古函谷其水北流入河夾河之岸尙有舊關餘跡荀子秦有松柏之塞此也去長安四百里正義括地志關在陝州桃林縣西南十二里雍錄自華而號而陝而河南中間千里古關塞有三由長安東一百八十里出華州華陰縣外則唐潼關

也

按此亦漢關建安十六年置

由潼關東二百里至陝州靈寶縣則

秦函谷關也由靈寶縣東三百餘里至河南府新安縣

則漢函谷關也

武帝元鼎三年從楊僕言從此

其間扼塞有二桃林在

潼關殺山在秦漢二關之間王氏曰自靈寶以西潼關

以東皆曰桃林

漢書張良傳注山海經桃林廣闊三百里其山谷在閬鄉縣東南湖城縣西南

三十里自崤山以西潼津以東通稱函谷然則桃林函谷

同實異名今在河南靈寶縣南十里

殺函

見上巫山下原注殺二殺函函關也案並見上

殺下

趙策秦王謂公子他曰章昔歲殺下之事原注卽秦惠

王七年五國攻函谷事殺函地近故云恩澤案殺在函

谷之東五國攻秦僅至關外正是殺地故曰殺下

關坂

坊本缺茲據高本補

見上谷口下鮑注函谷關隴坂張氏琦曰關坂當作商

坂卽今商州之商洛山也

恩澤

案地理通釋關坂卽殺

函也以左字審之良信

武關

齊策齊王建入朝于秦章卽武關可以入矣原注武關

秦南關在析西宏農東

恩澤

案郡國志南陽析縣西有

武關應劭曰武關秦南關通南陽郡文穎曰武關山爲

關在浙西百七十里晉太康地志武關當冠軍

今鄧州西北四

十里有冠軍故城晉縣也西河圖括地象曰武關爲地門上爲天齊

星

見後漢劉盆子傳注

京相璠曰武關楚通上雒阨道水經注丹

水歷菟和山又東南逕商縣南歷少習出武關括地志

故武關在商州商洛縣東九十里在商州東一百八十

里胡三省曰武關左傳之少習

按少習山名武關在其下

高士奇曰

今由河南之南陽湖廣之襄陽入長安者必道武關自

武關至長安四百九十里多從山中行過藍田始出

險就平

顧棟高說同

胡渭曰武關在今陝西商州東南一百

八十里

江永說同顧祖禹云在商州東北八十里非是

臨晉之關

同上卽臨晉之關可以入矣原注臨晉屬左馮翊

恩澤

案漢志左馮翊有臨晉縣

注云有芮鄉卽古芮國與秦相讓者又有王城卽左傳秦

晉會處

應劭曰臨晉水故曰臨晉臣瓚曰晉水在河之東

北此縣在河之西不得云臨晉水舊說秦築高壘以臨

晉國故曰臨晉今按封禪書秦并天下令祠名山大川

自華以西名川四河祠臨晉

又見郊祀志

晉書地理志臨晉

有河水祠祠臨晉水故名據此則臨晉本水名以水名

縣與河東無涉

秦本紀武王三年與韓襄王會臨晉外正義曰外一作水卽此

師古曰

或以爲魏文侯伐秦始置臨晉非也文侯重城之耳括

地志同州本臨晉城一名大荔城亦曰馮翊城後漢書

注故城在朝邑縣西南今在陝西朝邑縣西南二里錢

謂卽今同州府治似未合東北有臨晉關春秋時謂之蒲關凡國策

言臨晉皆在此非今山西臨晉縣也史記正義於漢王

出臨晉關下云卽蒲津關在臨晉縣移河西之關名於

河東地理通釋臨晉以限東諸侯武關以限南諸侯

非是函谷以限河北

榆關

魏策十八年章鄭恃魏以輕韓魏伐榆關而韓氏亡鄭

原注九域圖在平州界正曰大事記安王三年楚歸鄭

榆關

見六國表

十一年韓魏趙敗楚師于大梁榆關

見楚世家正義

義云榆關在鄭之南大梁西

思澤

案鮑云在平州界此

臨渝關今名山海關與韓魏均不相涉吳云在鄭南梁

西此蓋鄭地而楚取之後既歸鄭而又歸楚意必有險

塞可守者顧祖禹曰今河南汝州東南二十里有霍陽

聚楚之邊邑也或曰卽此

左傳襲梁及霍霍與梁近

然西周策云鄭

恃魏而輕韓魏攻秦而鄭亡卽此事則榆關當屬秦蓋

卽榆溪塞

見趙

輿地廣記榆林縣東有榆林關是也

四塞

齊策孟嘗君將入秦章

舊戰國策作羅尚見秦王語

今秦四塞之國

高注四面有關山之固也

恩澤

案徐廣曰東函谷南武

關西散關北蕭關故曰四塞亦曰關中正義東有函谷

蒲津龍門合河等關南有嶢山及武關嶢關西有大隴

山及隴山關大震烏蘭等關北有黃河南塞是四塞

杜篤

論都賦西被隴蜀南通漢中北據谷口東阻嶽巖關函
守嶢山東道窮置列汧隴雍偃西戎拒守褒斜嶺南不
通杜口絕津朔方無從

關中

本策頃襄王二十年章襟以山東之險帶以河曲之利

韓必爲關中之候

恩澤

案索隱云韋昭曰關中函谷武

關也又三輔舊事云西以散關爲限東以函谷爲界

關之中謂之關中地理通釋秦地西有隴關東有函谷
臨晉南有崤武關北有蕭居庸天井關以臨胡庭故爲
關中其實當時所稱秦關多據函谷言

關內

同上如此而魏亦關內侯矣案見上

軹道

同上汶章下軹道道南陽封冀張氏琦曰索隱以軹爲
在河內不得旣至河內方至蒲坂封陵皮氏冀亭當如
徐廣爲霸陵之軹也南陽次封冀上亦誤

恩澤

案竹書

紀年顯王十四年秦公孫壯帥師城上枳徐文靖曰霸

陵有枳道故以河內爲上枳其說似倒蓋河內有枳道故霸陵稱上枳耳秦視魏爲上惟此與蘇秦自燕之趙章文畧同說者多以軹爲魏地今按封冀與秦近當以見燕策者屬秦見趙策者屬魏其南陽一地則在燕策者當屬韓在趙策者當屬魏正義云從東渭橋歷北道過蒲津攻韓則南陽危是也軹在今西安府東

樗里

西周策秦令樗里疾以車百乘入周章高注其里有大樗樹因號樗里子鮑注在渭南陰鄉樗里恩澤案史記樗甘列傳樗里子葵于渭南章臺之東又云樗里子疾

室在昭王廟西渭南陰鄉樗里故俗謂之樗里子路史

國名紀今渭南陽

疑誤

鄉有樗里本少昊後嬴姓國在今

陝西西安府長安縣西北十五里漢長安故城內

俗名楊家

城故長樂宮之西

杜郵

本策蔡澤見逐於趙章賜死于杜郵原注在咸陽西門

十里

恩澤

案郡國志長安縣有杜郵劉昭曰三秦記長

安城西有九畎山西有杜山

杜預曰畢國在西北

水經注渭水北

有杜郵亭

又云在安陵南渭渠側

去咸陽十七里今名孝里亭中

有白起祠正義曰說文郵境上行舍道路所經過今咸

陽縣本秦之郵也一統志唐咸陽城在渭水北杜郵館
西今在咸陽縣東二十里

杜陵

本策齊助楚攻秦章楚兵大敗于杜陵高注杜陵楚邑

鮑注屬京兆

恩澤

案是時楚舉兵伐秦必在秦地漢志

京兆有杜陵縣距咸陽甚近不得爲楚邑惟以爲宣帝
更名亦未可信左傳在周爲唐杜氏國語杜伯射王于
郿杜之得名久矣若必俟漢時始稱杜陵策何以有此
名耶括地志下杜故城在雍州長安縣東南九里古杜
國卽秦杜縣也又云華州鄭縣正義云史記杜平在唐

之同州澄城縣界胡三省以爲卽此杜陵俱非今在西

安府治東南十五里

錢坫作二十里蓋本元和志茲從寰宇記顧祖禹高士奇說同

涇陽

本策范睢曰章聞秦之有太后穰侯涇陽華陽不聞其

有王原注涇陽雍州縣

恩澤

案地理志安定郡有涇陽

縣明統志舊城在平涼府界以居涇水之北故名然此

非國策涇陽也通典京兆涇陽縣乃秦封涇陽君之地

太平御覽雍州涇陽本秦舊縣則其名雖起於晉

漢名池陽

晉惠帝時析置涇陽

然當時分池陽爲涇陽正未必不因秦舊也

今在西安府涇陽縣東南 張氏琦曰涇陽華陽皆其

稱號非必封邑秦紀昭十六年封公子市宛公子悝鄧

二十一年涇陽君封宛四十五年葉陽一作華陽君悝出之

國則涇陽封在宛華陽封在鄧非地名決矣恩澤案此

說未的是時魏冉既封穰又封陰又封剛壽往往連據

數邑市宛與悝聲勢畧同不必既封宛鄧即不復封涇

陽華陽也索隱云悝初封于彭其非一處可知

高陵

同上高陵進退不請原注高陵屬京兆恩澤案漢志左

馮翊有高陵縣括地志故城在高陵縣西南長安志一

里通典秦昭王封母弟顯為高陵君即此今在西安府

高陵縣西南二里

藍田

本策秦取楚漢中章再戰于藍田原注屬京兆

恩澤案

漢志京兆郡有藍田縣注三秦記曰有川方三十里其

水北流出玉銅鐵石括地志藍田三皇舊居在雍州東

南八十里從藍田關西入藍田縣長安志故城在今縣

西三十里顧祖禹曰竹書梁惠成王三年秦子向命爲

藍君卽此縣東

寰宇記作西疑誤

三十里有藍田山又東南九

十八里有藍田關卽秦燒關也縣故城在今西安府藍

田縣西十一里

錢坫作三十里

鄭

本策謂魏冉曰章韓魏

依高補

支分方城膏腴之地以薄

鄭原注鄭屬長安在秦魏之間正曰西都咸林鄭舊封

去方城遠新鄭滎陽是時已屬韓凡言鄭者韓也

恩澤

案此鄭當是西鄭漢志京兆尹有鄭縣周宣王弟鄭桓

公邑本名咸林

世本作械林又云徒拾不知何地

雖距方城較遠然策

云韓魏支分方城以薄鄭若是新鄭豈有自薄其國都

者且下云兵休復起足以傷秦若非華州之鄭於秦何

傷此攷之本文而卽知其不然也

漢書薛瓌注言周自穆王以下擇于西鄭

不得以封桓公桓公國于鄭父之邱無封京兆之文
道元曰班固應劭鄭元皇甫謐裴頠王隱關朗及諸

述家戚以西鄭爲友之
所封賢於瓊之單說
元和志古鄭城在今鄭縣理西

北三里秦武公十一年置興元二年新築羅城今在同
州府華州西北三里

商

本策衛鞅亡魏入秦章封之於商原注屬宏農補曰盧
藏用後語注今商州上洛地恩澤案地理志宏農郡商

縣郡國志秦相衛鞅邑也水經注契始封商魯連子曰
屬京兆

在太華之陽皇甫謐關駟並以爲在上洛商縣殷商之
名起於此正義商州商洛縣在州東八十九里鞅所封
也括地志商州東八十里商洛縣本商邑契所封也寔

宇記故城在商州東九十里洪亮吉日唐商洛故城在

今商州東八十五里

錢坫作九十里

商洛鎮

竹書紀年梁惠

成王三十年秦封衛鞅于郿

後漢書光武紀注引作郿

改名曰尚

水經

注引

作商水經注云衡水又北逕郿縣故城東在今直隸趙

州徐文靖以爲尚卽商郿卽於似誤

既云改郿名尚則郿尚非兩地

商於

同上杜陵章臣請使秦王獻商於之地方六百里高注

商於秦邑鮑注在今順陽郡南鄉丹水二縣有商於

於

當作

在於中故名宏農商縣是也

恩澤

案郡國志商屬

京兆南陽丹水故屬宏農

索隱曰地理志丹水及商屬宏農魏晉始分置順陽郡商

城丹水俱隸之注云南鄉丹水二縣有商城張儀與楚商於之

地裴駟曰有商城在於中故曰商於水經注丹水經南

鄉丹水二縣間歷於中北所謂商於者也通典今內鄉

東七里有於村亦曰於中或曰商卽商州於卽內鄉也

自內鄉至商州凡六百里皆古商於地

史記秦封衛鞅以商於十五邑

卽此

洪亮吉曰今河南南陽府淅川縣西有商於城

顧祖

禹曰在內鄉縣西

又案郡國志巴郡涪陵出丹注引巴漢志

曰涪陵巴郡之南鄙從枳南入折丹涪水本與楚商於之地接則其境亦廣矣

山陽

韓策謂山陽君曰章秦封君以山陽齊封君以莒原注

山陽兗州郡

恩澤

案山陽有二地理志兗州有山陽郡

今山東兗州府也河內郡有山陽縣今河南懷慶府修

武縣也皆非秦地今陝西商州有山陽縣雖置自前明

成十三
化年

然此實秦地當時或有所據未可知也

楚策

有梁山陽君若是一人則修武爲是別見魏

河西

魏策魏將與秦攻韓章異日者秦乃在河西

恩澤

案河

西有二秦本紀出子二年庶長改迎靈公之子獻公于

河西而立之正義曰河西者秦州西縣秦之舊地時獻

公在西縣故迎立之此專指今秦州言若策所云河西則在今同華二州之境秦初起岐雍未能以河爲界晉強遂跨河而有其地惠公許秦以河外五城東盡虢畧南及華山皆河西也背約敗韓秦乃征晉河東則河西入秦不待言矣及子圉西質秦復歸河東而河西屬秦如故也然其後仍爲晉有故少梁北徵連兵不息孝公下令曰三晉奪我河西地是戰國初猶屬晉也至惠王末年盡以河西上郡委秦而秦乃蹶蹶乎跨及河東矣無忌此言蓋猶在惠襄之世歟

國策地名考卷三

歙 程恩澤 纂

儀徵阮芸臺先生鑒定 溧陽 狄子奇 箋

武進 李兆洛 閱

秦下

漢中

見上巫山下原注屬益州 恩澤案漢志益州有漢中郡

注云故城在今梁州南鄭縣東北正義今梁州也在漢

水北索隱其地在秦之山南楚之西北漢水南之地名

曰漢中

按正義據東漢水言故在北索隱據西漢水言故在南又正義據郡治言索隱據四境言也

元和志秦惠王取漢中六百里置漢中郡因水而名胡三省曰漢中郡漢屬益州自晉以後爲梁州顧祖禹曰今陝西漢中府城東北二里有漢中城相傳卽秦厲公所築

見華陽國志

南鄭

同上轂章請道於南鄭藍田以入攻楚原注屬漢中補

曰梁州縣

恩澤

案漢志漢中郡有南鄭縣水經注南鄭

故褒之附庸周褒鄭桓公歿于犬戎其民南奔居此因

曰南鄭

其地在京兆之南

顯王之世蜀有其地至六國楚人兼

之懷王衰弱秦略取焉赧王二年秦惠王置漢中郡正

義南鄭今梁州所理縣春秋及戰國時其地屬楚錢坵
曰在今漢中府城東二里漢高祖爲漢王時都此城周
四十二里

張儀論伐韓曰楚臨南鄭
指今新鄭言與此無涉

巴

見上巫山下原注屬益州

恩澤

案漢志益州有巴郡山

海經注太皞四世孫后昭是爲巴之始祖

路史以左傳
侵鄭之巴在

巴瀘二州境
與太昊後異

華陽國志周顯王時蜀王封其弟葭萌于

漢中號曰葭侯葭侯與巴王爲好巴蜀仇也蜀王怒伐

葭侯奔巴求救於秦秦遣張儀伐蜀滅之并滅巴三

巴記禹貢梁州之域古巴國也聞白二水東南流曲折

如巴字故謂之巴然則巴國因水爲名正義巴嶺山在
梁州南一百九十里是又以山名也元和志巴地東至
魚復西焚道接漢中南極牂柯是其界通典巴國今巴
壁蓬集合忠萬是其地路史巴隸恭州秦漢之巴郡本
隸渝有古巴城在岷江之北漢水之南胡三省曰巴郡
漢屬益州唐爲巴渝渠果諸州之地 彙纂今重慶府
巴縣治

漢爲
江州

故巴國也顧祖禹曰今四川保寧順慶夔

州重慶及瀘州等處皆其地

蜀

上卷之蜀以山言此卷
之蜀以地言故兩見

同上原注屬益州

恩澤

案漢志益州有蜀郡史記昌意

娶蜀山氏女生帝高陽後封其支庶于蜀歷夏商至周

哀稱王長曰蠶叢次曰柏灌次曰魚鳧通典利州益昌

縣

今昭化縣

古劍閣道秦伐蜀所由謂之石牛道

今在劍州東北

陳

子昂云昔蜀與中國不通秦以金牛美女啖蜀侯侯使

五丁力士棧褒斜鑿通谷

通釋褒斜道一名石牛道今由漢中府鳳縣連雲棧西南

過金牛峽亦曰石牛至川口凡九百餘里

迎秦之饋秦隨以兵而地入中州

蔡澤所云范雎相秦棧道千里通于蜀漢者也今四川

成都雅州邛州茂州及松潘廳等處皆蜀故地

或以嘉定龍安

潼川及保寧府劍州以西均爲蜀地與地理志不合

蜀漢

同上杜郵章棧道千里通于蜀漢

恩澤

案蜀卽蜀郡漢

卽漢中言使蜀得與漢中相通也說見上

共

同上武關章遂入秦處之共松柏之間原在共屬河內

姚注同

恩澤

案漢志河內郡有共縣本古共伯國此舊

說所本但河內非秦地且策云入朝必在關內可知通
雅張氏曰共阮之地名今涇州有共池洪亮吉曰共邑
在今甘肅涇州北五里詩侵阮徂共鄭箋阮國地名今
共池是此乃秦之共邑當日所以處王建者應在於此
淮南子作遷流于房陵豈先處于共後乃轉徙房陵歟

上庸

楚策楚懷王拘張儀章奉以上庸六縣爲湯沐邑高注

上庸楚邑今漢中東縣補曰本庸國今房州竹山縣漢

中要地也

並見秦策

恩澤案漢志漢中郡有上庸縣水經注

堵水逕房陵縣又東北逕上庸郡

魏

括地志上庸卽今

房州金州地正義房州竹山縣本漢上庸縣古之庸國

章懷太子曰古上庸城在永清縣西永清後魏置其故

城在房縣東一百十里

今在保康縣

顧祖禹曰上庸本庸國

書所謂庸蜀羌髻者也春秋時爲楚所滅秦置上庸縣

顧棟高曰其地與陝西四川俱接界蓋隴蜀咽喉幅員

贛遠今湖北鄖陽府竹山縣東四十里有上庸城

上庸本屬

楚故高注以爲楚邑是時屬秦秦策所云南取上庸是也其後又屬楚史記所云秦復與楚上庸是也

黔中

見上巫山下原注黔故楚地秦昭三十年定爲黔中郡

後爲武陵郡補曰今黔辰施沅等州

恩澤

案楚世家頃

襄王二十二年秦拔我巫黔中郡

晉志謂取巫中地爲黔中郡合巫中黔中

爲一似誤水經注秦昭襄王三十年取楚巫黔及江南地以

爲黔中郡漢高祖二年更名武陵括地志故城在長州

沅陵縣西二十里正義今朗州

今爲湖南常德府

楚黔中郡

蓋後也太平御覽隋唐之黔州非秦漢之黔中也

之黔州今四川路彭水縣與古黔中隔越峻嶺以山川

言之炳然自分

說本元和志

揆之漢志太約今湖南常德辰

州沅州永順澧州靖州岳州之華容及湖北荊州之公

安宜昌之長陽皆古黔中地

括地志通典以爲黔州非是胡三省通鑑注以爲非

柯郡尤非

關外

同上涇陽章走涇陽於關外

恩澤

案秦本紀昭襄王十

六年封公子市宛公子悝鄧魏冉陶爲諸侯通鑑周赧

王四十九年

秦昭襄王四十九年

秦逐魏冉弑戎公子市公子悝

各令就封

秦本紀穰侯出之陶在昭襄王四十二年

蓋

葉陽悝出之國未至而死在四十五年

各就其益封之國陶穰宛鄧俱在關外也若是涇陽高陵則仍關內矣

宛

魏策穰侯攻大梁章君攻楚得宛穰以廣陶原注見西周策考見楚

穰

見上涇陽下

恩澤

案漢志南陽郡有穰縣郭仲產南雍

州記穰楚之別邑秦初侵楚封公子悝爲穰侯後屬韓

秦昭王復取之

張琦曰史記韓襄王十一年秦取我穰當秦昭六年明年魏冉爲相故以封之

水經注秦拔楚鄢郢以穰爲縣昭王時封魏冉爲侯邑

仲產謂秦初侵楚卽以封公子悝誤也括地志穰鄧州

所理後漢書注同元和志穰取豐穰之義顧祖禹曰穰縣故

城在今河南南陽府鄧州東錢坫去東字南二里洪亮吉曰在鄧州外

城東南隅

陰

魏策秦敗魏于華章陰必亡原注陰穰侯別邑正曰陰

卽陶恩澤案史記魏冉封穰復益封陶徐廣曰陶一作

陰漢志南陽郡有陰縣師古曰卽左傳下陰也路史以下陰在

陰城西陰城在襄之穀城東北在今湖北襄陽府光化縣西漢水西岸

有古陰縣城錢坫曰在今穀城縣東北陰城鎮蓋與穰本通典及後漢書注卽路史之說也

相近疑卽此地然史又云取剛壽予穰侯以廣其陶邑

其地並在今山東定陶縣左右

正義云剛在兗州龔則卽縣壽鄆州之縣

穰侯別邑實在定陶趙策公孫衍說李兌攻宋取陰定

封又云魏冉必妬君之有陰則陰爲宋地偏近定陶亦

無可疑當並存之

吳注謂陶卽是陰卻嫌無別須俟再考

葉陽

趙策秦攻魏章猶大王之有葉陽涇陽君也原注史注

葉陽一作華陽華陽萃戎也此言王之母弟則非戎矣

補曰葉陽或高陵別名

恩澤

案葉華字形相近彼此訛

混殆難識別然葉陽固秦地也

見括地志葉陽今許州下

葉縣大事記葉陽今屬汝州蓋在今南陽府葉縣之南

昆陽

同上河西章秦之葉陽昆陽與舞陽高陵隣原注昆陽

屬潁川

見潁川志

案漢志潁川郡有昆陽縣

地有潁水即左

傳湛

應劭曰昆水出昆陽

地理通釋南陽魯陽有昆水東南至定陵入汝錢站曰今

於葉縣入沙河張宗泰曰魯陽即今魯山魯山有唐山昆水所出

括地志在葉縣北二

十五里

元和志同

今同

應

本策應侯謂昭王曰章原注秦紀應亭索隱曰在河東

臨晉

當在今同州府朝邑縣西南二里

徐云潁川父城縣應鄉括地志

應鄉在汝州魯山縣東後策應侯失韓之汝南說者謂

與應隣則在汝者為是

恩澤

案漢志潁川郡父城縣

左傳

注云應在襄陽城父縣西蓋誤襄陽無城父縣城父在潁州父城在汝州後漢書馮異傳注父城在許州葉縣

東北似與在汝州城縣者為二蓋亦地相接近

應鄉故國周武王弟所封

水經

注殷時已有應非成王封引詩應侯順德始誤

應劭曰韓詩外傳周成王與弟

戲以桐葉為珪曰吾以此封汝周公曰天子無戲言王

應時而封曰應侯即此

呂覽史記並以為叔虞事史記梁孝王世家亦作封應與晉世

家不

括地志故應城因應山為名在汝州魯山縣東三

十里今同

洪亮吉作寶豐縣西南蓋寶豐是父城縣而應鄉在其西南則當在魯山縣也

汝南

本策應侯失韓之汝南章原注豫州郡近應國應侯嘗取得之
恩澤案漢志豫州有汝南郡地理通釋汝南春秋時屬沈蔡戰國屬楚魏漢置汝南郡今蔡州以策考之當爲楚韓魏三國分據之地而秦適取之也地在汝水之南故曰汝南今爲河南汝寧府

華下

本策張儀

當作韓非

說秦王曰章天下有比志而軍華下高

注華下華山之下鮑注卽華陽之所

恩澤

案華山在今

陝西華陰縣此關內之地逼近秦都恐非天下之師所能深入且下云大王以計破之兵至梁郭則其地必在

大梁左右當以鮑說爲是

華陽

見上涇陽下原注正義云華陽亭名在洛州密縣故華城在鄭州管城縣南杜注新城密也故戎又號新城君

恩澤

案索隱曰華陽君芊戎亦號爲新城君郡國志宏

農郡華陰故屬京兆有太華山注呂氏春秋九藪曰秦

之華陽

華陽一作陽華胡渭曰卽古陽華之藪也

高誘曰或在華陰西則華

陽卽在華陰之右然華陰在華山北此云華陽當在其南未可合而爲一司馬彪曰華陽在密縣山名則密自有華山而此地適當其南故曰華陽水經注黃水出新

鄭縣太山南黃泉東南流逕華城西卽華陽也索隱又

云華陽韓地後屬秦則小司馬固不以此爲華陰矣顧

祖禹曰華陽本古華國史伯謂鄭桓公華

今國語本作莘

君之

土也今河南開封府新鄭縣東南三十里有華城亦曰

華陽亭又案胡三省通鑑注華陽君莘戎曰華陽卽

武王歸馬處引水經注云門水又東北歷陽華之山卽

華陽山也王鳴盛曰今商州雒南縣有陽華山與桃林

之野南北相望胡渭注庾信哀江南賦華陽奔命亦然

按渭云杜氏謂華山連延東出陽華在夸父西南夸父在今閿鄉縣東南二十五里正所謂連延東出者乃西

嶽支峯古通謂之華山

然戎稱新城君究以密縣之華爲是

新城

本策段產謂新城君曰章原注芊戎也

恩澤

案秦新城

有二左傳梁伯益其國而不能實也命曰新里秦取之
文四年晉侯伐秦圍邠新城卽此在今陝西同州府澄
城縣東北二十里又云諸侯伐鄭圍新密鄭所以不時
城也春秋書之曰新城在今河南開封府密縣東南三
十里舊說芊戎號新城君在此以其與華陽相近也

宜陽

楚策城渾出周章宜陽之大也楚以弱新城圍之原注

時秦已得宜陽

恩澤

案宜陽本韓地襄王五年秦使甘

茂拔之

韓世家昭侯二十四年卽書秦來拔我宜陽蓋攻之而未拔也

遂爲秦地上文

而秦楚之強敵也與此相應則此應屬秦詳見韓

解

史記解曰吳氏正曰下文中字疑是口字之訛

韓策爲公仲謂向壽曰章今公與楚解原注解言復好

補曰索隱云秦地近韓

恩澤

案郡國志洛陽縣南有大

解城西南有小解城路史云左傳昭二十二年王師軍

于解卽此高士奇曰兩解城卽所謂解口也

曲沃

同上杜陵章取曲沃高注曲沃晉桓叔所封邑在今宏
農縣東三十五里道北曲沃城戰國時秦兼有之鮑注

漢屬河東爲聞喜

恩澤

案曲沃有三漢志河東郡聞喜

故曲沃此桓叔所封也後魏太和十一年改絳邑縣爲

曲沃屬正平郡

今屬平陽府

此晉新田也皆非秦邑秦曲沃

在今河南陝州西南四十里

方輿紀要作三十三里茲從乾隆圖志

水經

注菑水出常烝之山西北逕曲沃城南春秋時晉侯使

詹嘉處瑕守桃林之塞以備秦時以曲沃之官守此故

名括地志曲沃在陝州西南三十二里因曲沃水爲名

唐固曰下平日

正義今有曲沃店是也高注謂在宏農

其是惟云桓叔封邑則非鮑注以爲聞喜非是

通典以今平陽

之曲沃爲

顧棟高曰左傳言焦瑕國策言焦瑕

沃屢見竹書史記亦云瑕卽曲沃也瑕蓋曲沃二字合音在河南晉地通記

猗氏縣東北有瑕城今屬蒲州府臨晉縣乃郇瑕氏之

瑕在河北舊混而一之江永春秋地理考實以瑕在解西南五里卽此說非是

高士奇曰西征記陝州有曲沃臺卽瑕也顧炎武謂瑕

有胡音以漢宏農郡之湖縣今閿鄉縣當之誤矣

武遂

同上解章甘茂許公仲以武遂反宜陽之民恩澤案六

國表韓襄王五年秦拔宜陽涉河城武遂六年秦復與

我武遂九年秦復取之是武遂本韓地而屬秦也詳見

韓

懷地

史作懷茅

同上昆陽章泰故有懷地邢邱之城境津

恩澤

案漢志

河內郡有懷縣

左傳臨城鄆田並在縣西南

魏收地形志懷州武德

郡懷縣管內有懷城括地志本周之懷邑在武陟縣西

十一里

武德初置懷縣貞觀初廢

通典懷州禹貢覃懷之地路史管

蔡廢紂封康叔爲懷侯於此卽爲衛後遷河內今在河

南懷慶府武陟縣西南十一里

韓詩外傳武王伐紂

至邢邱更名邢邱曰懷裴駰曰懷卽邢邱也錢坫曰武

王所改之懷專指邢邱言此則禹貢有覃懷之稱矣今

按左傳亦狄伐晉圍懷及邢邱是邢邱非卽懷也

邢邱

高本邢一作刑

見上

恩澤

案郡國志河內郡平皋有邢邱周公子所封

應劭曰邢侯自襄國

今直隸邢臺縣

徙此臣瓚曰邢遷夷儀不

至此今夷儀在襄國西按說文邢周公子所封地近河

內懷則許君固以此為古邢國也

馬宗璉曰春秋有兩邢在平皋者周公子

國在襄國者齊桓公所遷國也

括地志平皋故城本邢

邱邑在懷州武德縣東南

後漢書注賈字記並作西似較確

二十里襄

宇記平皋周迴二十五里多產菱蒲民賴其利陂南即

大河矣

應劭曰以其在河之皋勢處平夷故曰平皋

今在懷慶府河內縣東

南七十里

國朝地名考 卷三
三
堽津

見上原注地缺

恩澤

案堽津有二地杜預曰汲縣南有

延津孔穎達曰卽堽津也索隱堽津在河北正義堽當

作延在衛州清淇縣

卽廢衛縣

西南二十六里其地在今河

南衛輝府汲縣南延津縣北卽延津也帝王世紀白馬

縣南有韋城故豕韋國水經注白馬津有韋鄉韋城徐

廣曰東郡白馬有圍津圍與韋通

今荀子本作圍蓋誤

顧祖禹曰

戰國時曰堽津其地在今衛輝府滑縣東南五十里荀

子云圍津去大梁百二十里九域志滑州至東京二百

二十里以里數核之似以延津爲是

陽晉

韓策韓人攻宋章吾愛宋與新城陽晉同也恩澤案陽

晉衛地魏世家哀王十六年秦拔陽晉今見衛

陶

本策秦客卿造謂穰侯曰章秦封君以陶原注今濟陰

定陶恩澤案漢志濟陰郡定陶本曹國古陶堯所居有

三腰亭水經注穰侯封于穰益封于陶其免相也出之

陶而卒陶有穰侯家日知錄今曹縣有冉堦為秦相穰侯魏冉之家史記穰侯卒於陶因

葬括地志陶山在濟州平陰縣東三十五里按唐志平陰屬鄆州

距陶較遠貞觀元年省定陶入濟陰當是曹州濟陰縣之訛元和志定陶故城在濟

陰縣今曹縣

東北四十七里正義今曹州城也顧祖禹曰

今山東曹州府定陶縣西有陶城

煮棗

東周策秦攻宜陽章秦懼遽効煮棗原注屬濟陰宛句

恩澤

案煮棗有二地理志清河郡有棗強縣晉灼曰清

河有煮棗城蓋邑於此應劭曰在東武城

今清河縣

西北五

十里正義煮棗故城在冀州信都縣

即今冀州

東北五十里

寰宇記故城在棗強縣西南十五里六國時於此煮油

棗此河北之煮棗也在今直隸冀州棗強縣西南

方輿紀要

作西北

定誤十五里郡國志濟陰郡宛句縣有煮棗城水經

注北濟水自濟陽縣北東北逕煮棗城南輿地廣記興

仁府曹州寃亭縣

卽寃句大觀二年改

有故煮棗城此濟陰之煮

棗也在今山東曹州府荷澤縣西南或曰在直隸大名

府東明縣東南國策所云煮棗指此

平原

韓策或謂公仲曰章昔者周倭以西周善於秦而封于

榑陽

元和姓纂秦宣太后弟封榑陽君不知何據

周啟以東周善於秦而封

于平原

恩澤

案漢志青州有平原郡平原縣晉灼曰卽

高唐也水經注高唐濕水所出平原則篤馬河導焉明

平原非高唐寰宇記平原德州縣顧祖禹曰今山東濟

南府平原縣西南五十里有平原舊城

洪亮吉曰平原故城一在今縣

南二十餘里一在縣西南三十里今縣治城北齊所築

河間

本策文信侯欲攻趙以廣河間章

恩澤

案漢志河間國

故趙文帝二年別爲國應劭曰在兩河之間索隱河漳之間邑正義河間瀛州縣今爲直隸河間府本趙地秦取之以封不韋至是又欲攻其旁邑以廣封也張氏琦曰是時秦已取榆次三十七城置太原郡欲遂取太行以東至河也

胡貉代馬

見上巫山下原注胡樓煩林胡之類貉似狐代幽州郡

恩澤

案注以貉似狐本不錯但古多以貉爲地名山海

經貉國在漢水東北地近燕滅之郭璞注今扶餘國卽
漢貉故地在長城北去元菟千里荀子秦北與胡貉爲
隣晁錯曰秦時北攻胡貉王氏曰胡如樓煩林胡之屬
貉如辰韓之屬顧祖禹曰胡在北方貉在東方今山西
太原府崞嵐州以北故樓煩胡地大同府朔州以北故
林胡地遼東三萬衛以東北卽貉地而大同府蔚州之
境古代地也三處皆產良馬是以貉爲國也貉旣是國
則馬亦當是地史記蘓秦傳作北有代馬索隱曰謂代

郡馬邑也地理志代郡又有馬城縣呂氏春秋馬郡宜
馬高誘注冀之北土馬之所生故謂代郡爲馬郡盧毓
冀州論冀州北接燕代後世謂之馬郡則馬之爲地又
有明徵惟於用字難通耳

楊侯塞

鮑本作陽

本策謂秦王曰章徙兩周之疆而世主不敢窺楊侯之
塞原注河東陽注陽侯國恩澤案坊記陽侯繆侯注云

其國未聞春秋齊人遷陽姓氏書謂召康公之後其本

國在城陽國陽都縣今爲山東沂水縣後遷於東海郡

都陽縣

並見漢志應劭注馬宗璉反之非是

今爲嶧縣此陽國也武帝本

紀楊氏應劭曰楊侯國水經注晉大夫僚安之邑地理志河東郡楊縣括地志故楊城本秦時楊國漢楊縣城也今晉州洪洞縣也寰宇記故城在臨汾縣東南十八里今在山西平陽府洪洞縣東南十五里大事表作十八里此楊邑也雖楊陽古通實非一地據括地志秦時有楊國則此楊侯當主河東姑仍之

河東三城

同上咸陽章寡人欲割河東而講卒使公子池以三城講於三國原注大河之東非地名補曰三城者武遂與韓封陵與魏齊城與齊事在年表秦昭九年下恩澤案

六國表三國攻秦在昭王九年與韓武遂與魏封陵在

十一年無割齊城事

秦本紀正義引年表同韓魏世家亦然

吳說不知何

據且齊城決非河東卽武遂亦無確處

詳見韓

當從闕疑

鮑謂河東非地名亦非漢志有河東郡今山西平陽蒲州絳州解州霍州隰州及澤州府之陽城沁水皆其地若當時所割者固非此耳

梗陽

見上平原下原注太原榆次有梗陽鄉

恩澤

案梗陽見

左傳杜預曰太原晉陽縣南梗陽城索隱曰地理志太原榆次有梗陽鄉與杜預所據小別正義曰括地志梗

陽故城在并州清源縣南百二十步

一統志作里誤

分晉陽縣

置本漢榆次縣地春秋晉大夫祁氏邑郡國志注太原

郡晉陽縣南有梗陽城卽左傳梗陽也顧祖禹曰今山

西太原府徐溝縣西南十七里故清源縣南有梗陽城

周六里故晉邑也

錢坫曰京相璠云太原晉陽縣

卽今

榆次縣後魏太平眞君九年省入晉陽

南四十里榆次界有梗陽城今榆

次在太原府東南六十里清源在府西南八十里

當云九十

七括地志郡縣志並以梗陽卽清源中隔汾河相去似

遠當以京相之說爲允今按今榆次徐溝皆古榆次縣

地其梗陽故城則在今徐溝而不在今榆次清源卽徐

溝也不得以二志爲非

皮氏

本策楚攻魏章取皮氏卒萬人車百乘以與魏犀首高

注皮氏屬河東魏地也

鮑注同

豈喪地七百里時入秦耶

張氏琦曰史表秦取汾陰皮氏焦在與河西地後一補年秦紀魏世家同此策取皮氏在獻河西之前誤也

曰在絳州龍門縣西

恩澤

案竹書紀年梁惠成王四十

一年

史記在四十二年

秦取魏皮氏故皮氏屬秦

赧王八年復屬魏

漢

志河東郡有皮氏縣

有耿鄉徐文靖曰皮氏古國名見周穆王太史戎夫記

括地

志在龍門縣西

水經注作東南

一里

一作百四十步徐文靖作三十里疑誤

元和

志黃河北去縣二十五里

洪亮吉曰在縣西十五里

顧祖禹曰皮氏

古耿邑殷祖乙都此後爲國晉滅以賜趙夙卽書所云

龍門也在今山西絳州河津縣西一

洪作里按寰宇記云皮氏故

城在龍門縣西一里八十步而括地志元和志並云耿鄉在龍門縣南十二里則耿去皮氏尚有十餘里

按史記正義云秦取魏垣以爲蒲坂皮氏其後歸魏魏復以爲垣則秦皮氏當有二其一卽今長垣縣也

河曲

見上關中下

恩澤

案春秋秦晉戰于河曲杜注在河東

蒲坂縣南郡國志蒲坂有沙邱亭劉昭曰卽河曲也裴

駟曰河千里而一曲正義河曲在華陰縣界

此河之西岸以左傳

推之河曲通典河曲卽蒲坂也寰宇記蒲州河東縣卽當在河東

秦晉戰處胡三省曰按水經注河水自雲中沙南縣屈而南流至華陰潼關曲而東流所謂河曲也其地在今山西蒲州府永濟縣東南五里與保德州河曲縣異

二垂

同上關中章今大王之地半天下有二垂原注邊陲恩

澤案大戴保傳篇湯去張網者之三而而二垂至盧辨

注二垂謂天地之際淮南道應訓文王砥德修政三年

而天下二垂歸之又見篇末要畧高誘注文王三分天下有其

二郡國志引山海經云禹使大章步自東極至于西垂

又使豎亥步南極北盡於北垂與今本小異二垂疑本此胡

三省曰有天下西北之二垂是也

史記正義曰言極東西綱目正誤曰疑指

西南俱未合

一經兩海

經新序作桂疑誤

同上是王之地一經兩海要絕天下也原注東南正曰

案隱云西海至東海

恩澤

案胡三省曰東西爲經兩海

東海西海也謂自西海至東海其地一爲秦所有也

咸陽宮

燕策燕太子丹質於秦章見燕使者咸陽宮

恩澤

案始

皇本紀秦每破諸侯寫放其宮室作之咸陽北阪上殿

屋複道周閣相屬今史書所載有甘泉林光

在雲陽

斬年

橐泉在鳳翔羽陽在寶雞械陽在扶風步壽步高在渭南望夷在涇

陽在咸寧宜春在咸寧梁山在乾州蕢陽在鄠縣長楊在盩厔阿房在長安

高泉在美陽曲梁在三原諸宮皆離房別館散布他處其在

咸陽者有曲臺蘭池長樂信宮諸宮取象天極當時見

燕使者或在此也

橫門

本策田華之為陳軫說秦惠王曰章楚知橫門君之善

用兵高注橫門君秦將恩澤案水經注咸陽秦離宮北

出西頭第一門本名橫如淳曰音光門王莽更名霸都門其

外部有棘門徐廣曰在渭北孟康曰秦時宮門也如淳

曰三輔黃圖棘門在橫門外則橫門秦城門名也古者卿朝在門豈其遺制歟

息壤

本策秦武王謂甘茂曰章王迎甘茂於息壤高注息壤秦邑鮑注山海經鯀竊息壤以堙洪水時則訓於中央言息壤堙洪水之州而柳子厚言永州有之則息壤非一處此秦地也恩澤案天文志水澹地長地長卽息壤也路史息生之土長而不窮漢元帝時臨淮徐縣地涌五六里高二丈又無鹽危山土起唐江陵南門地隆起如伏牛馬去之輒復顧逖園云王褒敏公廳事有土墳

起古息壤也通雅息壤全土也莊子隱全亦謂全起也
綱目集覽隆州籍縣南一里有地畝餘踏之軟動長老
云息壤也息壤誠非一處此所云不知所在

柱山

趙策蘓秦爲趙王使於秦章秦乃者過柱山原注蓋祇

柱正曰無考恩澤案元和志底柱山俗名三門山方輿

以底柱與三門爲二在硤石縣東北五十里黃河中趙冬臆曰祇

其最北兩柱相對距厓而立即所謂三門也今在河南陝州東四十里黃河

中此自秦反趙所經之路然以砥柱爲柱山未之前聞

也方輿紀要今陝西山陽縣有天柱山壁立萬仞形如
天柱又岐山亦名天柱山但是秦皇然非自趙至秦

之所
經也

陽泉

本策濮陽人呂不韋章乃說秦王后弟陽泉君曰

恩澤

案地理志六安國有陽泉縣郡國志廬江郡陽泉侯國
注故城在安豐縣廣志曰有陽泉湖水經注決水右會
陽泉水東北流逕陽泉縣東錢坵曰在今河南光州固
始縣南洪亮吉日漢陽泉故城在今安徽潁州府霍邱
縣西又今四川綿州德陽縣西亦有陽泉故城又山西
有陽泉水

見水經注

策不知何指也

武安

本策秦王謂寒泉子曰章吾欲使武安子起往喻意焉
原注起以昭二十九年爲武安君自合從至是五十七
年所稱武安子起謬也

恩澤

案此起字原非白起

說詳吳注

卽白起封武安君亦非地名張守節曰言能撫養軍士
戰必克得百姓安集故曰武安胡三省曰戰國之君分
封其臣如平原武安之類非眞食其縣之入也則舊說
固不以此爲封邑矣

與蘇秦李兌封武安君異

恐觀者致疑故辨之

李帛

史作李伯

本策義渠君之魏章大敗秦人于李帛之下高注李帛

秦邑鮑注地缺河內成皋

當是平皋

有李城豈卽是歟正曰

必非恩澤案後漢西羌傳亦云義渠敗秦師於李伯注

云李伯地名未詳索隱云李伯人名或邑號今無考

牛田

錢劉本作牛甲

同上嶠下章且秦以牛田水通糧原注牛田秦地缺因

其水爲漕

恩澤

案正義曰牛耕田種穀至秋則收之成

熟之義也言秦伐韓上黨勝有日矣若牛田之必冀收

穫也其說非是

恒思

同上應章亦聞恒思有神叢歟原注地缺

恩澤

案路史

國名紀恒先

姓氏急就篇黃帝後有常先常從老子師之常先蓋卽恒先又見元和姓纂及唐罕

相世系表

國常也衛康叔孫封之世本云後有常氏恒氏老

師常從楚有恒思公宜爲恒山

疑有誤

亦作常其說不甚

明了未知卽此否

涉谷

同上昆陽章秦又不敢伐楚道涉山谷行三千里而攻

危隘之塞

恩澤

案地理通釋引此作道涉谷無山字劉

伯莊云秦兵向楚有兩道涉谷西道河外東道從褒斜

入梁州卽東南至申州攻石城山險阨之塞也索隱云

涉谷往楚之險路據此則涉谷是自秦至楚陸路要道

當在今漢中府褒城縣界內策蓋衍一山字

史記魏世家同今

附於此

棧道

見上蜀漢下

恩澤

案何景明雍大記棧道有四出從成

和階文出者爲沓中陰平道鄧艾伐蜀由之從兩當出者爲故道漢高帝攻陳倉由之從褒鳳出者爲今連雲棧道漢王之南鄭由之從城固洋縣出者爲斜駱道武侯屯渭上由之儲大文曰兩當道乃諺所謂明修棧道暗渡陳倉者其係於蜀漢甚鉅則此當指兩當言

安城

史記魏世家秦固有懷茅邢邱城境津以臨河內索隱

曰戰國策邢邱安城此少安字

恩澤

案今本作之蓋卽

安字之訛下云使道已通史作使道安城則安城本魏

地昭王十三年秦拔之故又爲秦地

正義云時屬魏似與上文不合括

地志故安城在鄭州原武縣東南二十里

秦拔安城下正義引括地

志云安城故城豫州汝陵縣東南七十一里秦本紀正義引括地志作汝陽縣東南十七里似是兩地疑有誤水經注絳瀆左逕安城南故信都之安城鄉也此又一地地理通釋亦然今同屬懷

慶府